

Fra: Stian.Lindbol@kmd.dep.no

Sendt: 20.10.2016 15:39:34

Til: Terje Haugsgjerd

Kopi:

Emne: Bekreftelse på mottatt søknad

Vedlegg:

Hei.
Bekrefter herved mottak av søknad om tilskudd til kommunale veiledningstjenester innen digital kompetanse.
Vedlagt ligger en kopi av deres søknad som er journalført i departementet.

Med hilsen
Stian Lindbøl

Kommunal- og moderniseringsdepartementet/Norwegian Ministry of Local Government and Modernisation
Avdeling for IKT og fornying/Department of ICT policy and public sector reform

Stian Lindbøl
Programleder - Digital deltakelse/Programme Coordinator - Digital Inclusion
(+ 47) 979 75 734 / 22 24 48 68
stian.lindbol@kmd.dep.no www.regjeringen.no/kmd

-----Opprinnelig melding-----

Fra: dss@regjeringen.no [<mailto:dss@regjeringen.no>]

Sendt: 20. oktober 2016 15:37

Til: Lindbøl Stian <Stian.Lindbol@kmd.dep.no>

Emne: Tilskudd til kommunale veiledningstjenester innen digital kompetanse

navn: Hordaland fylkesbibliotek
organisasjonsform: Fylkeskommune
Organisasjonsnummer: 938626367
kontaktperson: Terje Haugsgjerd
epost: terje.haugsgjerd@hfk.no
telefonnummer: 55 23 93 73 / 48 30 62 60
flere_sokere: nei

deltagere:

tittel: Kunnskap gjer terskelen låg og den digitale porten vid: digital kompetanseheving i folkebiblioteka

prosjektbeskrivelse: Hordaland fylkesbibliotek ønskjer å gjennomføre kurs i dei nasjonale digidel-ressursane for folkebiblioteka i Hordaland. Formålet er å auke personalets kompetanse og legge til rette for eigne publikumskurs, retta mot målgruppene eldre og innvandrarar.

Bibliotekarar har høg sjølvtilitt i formidling av kjente tema som litteratur, men kan trenge større tryggleik og kunnskap om pedagogisk tilnærming til rettleiing i digital kompetanse. Konkret skal det gjennomførast to kursdagar på tre stader (to utanfor Bergen og eit i Bergen). Det første kurset vil innehalde ein inspirasjons- og læringsdel, med vekt på bakgrunnen for Digidel-programmet og legge til rette for å dele erfaringar og vise døme, særleg på samarbeid med andre for å kunne gjennomføre rettleiing i digital kompetanse. Hovuddelen av kurset vil vere kompetanseheving knytt til digidel-ressursane og opplæringspedagogikk. Kursa vil vere opne for andre deltakarar enn bibliotekpersonale, t.d. Røde Kors og frivillighetssentralen.

Etter den første kursdagen skal dei lokale biblioteka gjennomføre kurs for publikum. Målet er at det skal gjennomførast publikumskurs i 20 kommunar i Hordaland, med utgangspunkt i digidel-ressursane. Kursa skal marknadsførast lokalt, særleg retta mot målgruppene eldre og innvandrar.

Publikumskursa vil vere utgangspunktet for den andre kursdagen der ein evaluerer gjennomføringa av digidel-kursa. Kunnskap- og kompetansedeling er viktig, både for læring knytt til fleire publikumskurs og for å sikre vidareføring av tilbodet i framtida.

Det desentraliserte perspektivet i gjennomføring av kursa er viktig for å auke tal på deltakarar frå kvar kommune. Terskelen skal vere lågast mulig for å delta på kompetansehevinga og i gjennomføringa av publikumskursa.

hvorfor: Etablering av rettleiingsteneste innan digital kompetanse er forankra i Regional kulturplan for Hordaland 2015 - 2025. Eit tiltak er å legge til rette for at biblioteka kan vere med på å utjamne digitale skilnader og gje innbyggjarane tilbod om aktuelle og relevante ressursar. Eit anna mål i kulturplanen er at bibliotekpersonale skal ha den kompetansen som er naudsynt for å nå mål, møte nye utfordringar og levere gode tenester til innbyggjarane.

Fylkesbiblioteket har ein pågåande dialog med biblioteka om behovet for kompetanseheving. I samband med Digidel-programmet er det gjennomført ei uformell kartlegging av status og behov i biblioteka, som viser ønskje om kurs og liten bruk av digidel-ressursane. Personalet treng kunnskap og tryggleik til å rettleie innan digital kompetanse. Fylkesbiblioteket har god erfaring med å gjennomføre kompetanseheving for å imøtekomme desse behova, som t.d. prosjektet 23 mobile ting.

hvilke_mal: 1. Etablere rettleiingstilbod i grunnleggande digital kompetanse på

- 20 folkebibliotek i Hordaland for eldre og innvandrarar
2. Gjennomføre to kursdagar i digidel-ressurane for rettleiarar på tre stadar i Hordaland
3. Prøve ulike metodar for digital rettleiing og samle nyttige røynsler med overføringsverdi til bruk i vidareføring av tilbodet
4. Utvikle samarbeid med frivillige
5. Synleggjere folkebiblioteka som ein arena for opplæring i digital kompetanse
6. Etablere praksisfelleskap for erfaringsutveksling og vidareutvikling av nye opplæringstilbod innan digital kompetanse

forventet_antall: Hordaland er landets tredje mest folkerike fylke, med over 500 000 innbyggjarar. Ut frå målgruppene i tiltaket, utgjør andelen innvandrarar og eldre over 67 år ca. 20 % av befolkninga. Nedslagsfeltet for prosjektet er ca. 130 000 brukarar.

belop: Kr. 200 000

budsjett: Utgifter

Prosjektleiing	50 000
Kurshaldarar	20 000
Støtte til lokale kurs	100 000
Marknadsføring	40 000
Reise/overnatting	15 000
Praktisk kursutgifter: kaffe, mat	20 000
Eigeninnsats folkebiblioteka	50 000
Uforutsette utgifter	15 000
	300 000

Inntekter

Hordaland fylkeskommune	50 000
Kommunane	50 000
Søknadssum	200 000
	300 000

ansvarlig: Hordaland fylkesbibliotek er prosjektansvarleg og har personalressurs til prosjektleiing. Folkebiblioteka i alle kommunane i fylket vil bli invitert til kurs. Biblioteka som ikkje har fått eigne midlar til gjennomføring av opplæringstiltak for publikum, vil få støtte til dette av prosjektet. Fylkesbiblioteket har som mål å gjennomføre kursa i samarbeid med Bergen offentlige bibliotek, som har kompetanse og erfaring i å halde kurs for målgruppene i prosjektet. Fylkesbiblioteket vil følgje opp dei etablerte rettleiingstilboda etter prosjektavslutning.

tidsplan: Tidsplan: 2016-2017

Informasjon og påmelding til kurs	2016-februar 2017
Kurs for rettleiarar	mars-april 2017
Publikumskurs	mai-september 2017*
Evalueringssamling	oktober 2017
Sluttrapport	november 2017

*Publikumskursa har lang gjennomføringsperiode, da det erfaringsmessig er vanskelig å gjennomføre kursing mellom St.Hans og skulestart.

offentlig_stotte:

erfaringer: Erfaringsutveksling er ein integrert del av prosjekt. Etter prosjektavslutning vil temaet bli tatt opp på fagdagar for bibliotektilsette. Hordaland fylkesbibliotek har i mange år arbeid med å utvikle interkommunale biblioteksamarbeid i fylket. I dag er det fem samarbeidsregionar, som skal brukast aktivt i prosjektet. Dei regionale samarbeida vil kunne spele ei nøkkelrolle for å koordinere publikumskurs og auke gjennomføringsevna, då dei er vande med å gjennomføre fellesprosjekt.

Tiltaka skal synleggjerast via fylkesbiblioteket sine kanalar, t.d. Facebook undervegs og informasjon til politisk og administrativt leing i fylke og kommunane. Fylkesbiblioteket vil ta med seg kunnskap frå prosjektet inn i andre samanhengar, t.d. arbeid med fleirspråklege tenester for å løyse særskilte rettleiingsbehov.